



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXXXII.

urn:nbn:de:hbz:466:1-42840

ad festum corporis Christi anni huius 1631. quo die benè manè, cum consuetam meditandi horam à salutatione Angelica, more suo, inchoaret Alphonsus; iterùm sibi visus est videre Deiparam, quæ sacram illi hostiam afferebat, eamque Alphonso porrigebat.

ANNO MDCXXXII.

791 P. Petrus Antonius Spinellus Neap. Provincialis elegans Beatissimæ Virginis è ligno sigillum apud P. Iosephum Lambertum conspectum, & illi ereptum, Ioanni Antonio Casetta, viro Societatis amantissimo, dederat; mirantique non nemini, responderat; id è maiore Deiparæ cultu fore, si illa B. Virginis imago apud Ioannem sit. Hanc postea cum egregia præsepj apparatione quotannis domi suæ adornatam spectandam proponebat Ioannes. Adfuit hoc anno inter spectatores Amedir mancipium Turcicum. Hic dum aulæ considerat, audit *Amediri* nomen, & videt se à diuino paruulo in præsepj iacente, velut manu seu gestu acciri. Accedit; & iubetur à paruulo, legem Christi amplecti: ita à se in cælum deducendum, simulque breuissimâ illum catechesi instruxit. Visum ei deinde cælestis Matris sigillum ad paruulum inclinari, & oscula illi figere, vicissimque accipere. Quare *Amedir* nomè in baptisino cum Iosephi nomine commutauit, & tertio postea quartoue die de vita decessit. Post mortem alteri cuidam Turcæ, vt fertur, apparuit, serioque monuit, vt ni æternùm ardere vellet, Sacramento lustraretur: neque enim aliter cæli fore participem. Paruit ille Iosephi monitis; & Christum amplexus est. En è dono vnico imaginis MARIANÆ quàm præclara eduxit Deus.

Andreas
de Rado
Nieremo.
tomo 2.
p. 503.

Imago B.
V.

1632.
Vide An-
num die-
rum illu-
strium.

Rosarium
è collo ge-
stare.

1. Ian. in
Menais.

Vide An-
num die-
rum illu-
strium.
Sabb.

Mortif.

Rosarium
è collo.

ob. 2. Ian.
1632.

Novèdia-
lem pieta-
tem cele-
brare.

Menea
8 Ian.

Festa B.V.

Menea
30. Ian.

792 MARIANO Rosario manibus pro tessera
circundato prosperè in vigilia Purificatae Deiparae,
in fidei odium cæsus obiit P. Julius Pasqualis. Indos
Cinipas ad id adduxit, ut qui monilia, more ma-
iorum, conchilijs testulisque conferta gestabant;
illis abiectis Rosaria MARIANA gestarent è collo; &
illa in templo, domi, ruri, in opere, in otio, al-
ternis inter se per choros recitarent. Benè omnes
gentes ad illam celebrandam erudimus, cui S. Sab-
bas: *Architectus, & dominator omnium Deus humani*
te generis primatem creavit.

793 Eodem anno & die, eadem de causa no-
bilem sanguinem dedit P. Emmanuel Martinez. Hic
Sabbatinis diebus lances in culina tergebat, & se in
triclinio verberabat: B.V. officium de Immacula-
ta Conceptione, ac alterum ordinarium, quoti-
die recitabat; atque ad assiduam Deiparae memo-
riam rosarium B.V. è collo sub veste gestabat.

794 P. Franciscus de Enzinas, dictus iam à pue-
ro *deotus Virginis*, novèdiales exercitationes
pietatis in B.V. honorem sæpè instituebat, plenas
inediæ, precum, afflictationum, ut noctes taceam
tunc loco somni orando ductas ad aram Deiparae.
Ita discebat diuina sapere apud Matrem DEI, de
qua S. Sophronius: *Cùm me totum DEVS transfor-*
mare vellet in DEVM, totum univit se tibi, ò MARIA.

795 In B.V. vigilijs pane frigidaque conten-
tus, festa illius citra litterarias, vel alias, occu-
pationes vllas, in ponderandis eius mylterijs du-
cebat, ut etiam alios inflammaret. Certè, cùm
semper alias, tum verò in suis festis præcipuè (quod
ait S. Germanus Patriarcha) *de calo prospiciens uni-*
uersorum Regina, suarum laudum declamatores bene-
ditionibus coronat.

Idem

796 Idem P. *Franciscus* pias preces unde-
cunque poterat de B.V. colligebat in alimentum
flammæ suavissimæ. O *Deipara*, ait S. *Ioseph*, illos
qui decantandis tibi laudibus chorum instituere sacra-
tum, in diuina quam de te habent existimatione confir-
ma, ac demum gloriosis in celo coronis dignare.

797 Idem scripsit B.V. Matris encomia. Hunc
ille libellum, visus est aliquando gestu supplici DEI
Matri offerre, illâ quoque suavissimè arridente,
S. *Sabbas*: *Latus ad te, Domina, omne ingenium meum*
conuerto.

798 Hoc anno Viennæ P. *Ioannes Gans* (qui *Per-*
dinando III. augustæ memoriæ *Cæsari à Confessio-*
nibus fuit) edidit *Quinquatria MARIANA*, siue de
quavis quinque Solennitatum B. *Virginis* quatuor discursus
&c. Agit ibidem de Societate ad propagandum
cultum B. *Virginis* excitata. Ait; nihil à DEO pe-
tere Sanctos in cælis quod illa cum eis non impe-
tret; imò nec homines in terris: quemadmodum
aiunt Astrologi, lunam non tantum solis, sed &
omnium aliorum planetarum, stellarumque influ-
xus accipere. Hanc semper pro te ad orandum,
promptam habebis: modò nullus dies tibi transeat
sine aliquo bono opere in eius honorem facto. Hoc
item anno Anglicè typis vulgata sunt P. *Henrici*
Haukins Parthenia sacra de Symbolis B. V. Rhoto-
magi, cum versibus & imaginibus. P. *Richardus Gib-*
bonus edidit Audomaropoli D. *Amedei Episc.* Ho-
milias octo de B.V. & Syllabum autorum qui ho-
milias scripserunt de B.V.

799 P. *Iacobus Granadus* enixè contendebat
vt pensum *Deiparæ* attentè persolueret, atque fla-
granter. Eius rosarium sensibus in vnum illud adeò
intentis recitabat, vt si quis tunc portam
con-

Varios il-
lam pre-
candi mo-
dos colligere.

Menea
3. Ian.

De illa
legere,
scribere.

p. 1. piet.
Mar.
Græc.

pag. 36. &
37.

Illam cū
Sæctis om-
nibus co-
lere.

ob. 1632.
Duaci 21.
Iun.

ob. 1632.
Granatæ
5. Ian.

*Valde at-
tentè ora-
re.*

*Rem do-
mesticam
illi com-
mendare.*

*Occisus
1633. 31.
Iul.*

*In fili il-
lam inuo-
care.*

*ob. 1633.
12. Mar.*

*'Ante, &
post con-
cionem.*

3. Ian.

conclavis illius pulsaret, aperiret, ingrederetur, minimè aduerteret. De immaculata illius Conceptione librum edidit calamo pio ac docto dignum.

800 Annua Germaniæ Superioris huius anni aiunt; pecuniam à quopiam ijs de Societate qui Oetingæ degunt missam cum epistola in hæc verba: Ego alterâ vice in somno à Beatissima Virgine, uti reor, monitus sum, ut Patribus Societatis Oetingensibus eleemosynam largirer. Hanc ergò exiguam de mea tenuitate ipsis mitto.

ANNO MDCXXXIII.

801 *Nicolaus Keyan Fucunanga* Scholasticus Iapon cum in Iaponico fossæ supplicio penderet, rogatus quomodo adeò vegetus esset in tanto famis, sitis, & capitis deorsum cū corpore toto pendentis tormēto, respondit, ut ait Annus dierū illustriū; Adstitisse sibi Reginam cæli Beatissimā Deiparam, & multifariam sibi auxilio fuisse. Inter alia solatia, allatam è cælo aquam bibendam è cyatho dedisse. Et verò repertus est in fossa cyathus aquâ plenus. Ipse quoque per tot eos dies aliquando ad fossæ marginem sedere conspectus est liber.

802 *P. Hieronymus à Florentia* non prius prodibat ad concionem dicturus quàm pro se ac suis *Salve Regina* recitaret; iterumque post concionem ante illius imaginem prostratus idem agebat. Mirus erat, & seipso maior cum de illa diceret, admiratione quoque laudatus. cuius boni incendij scintillas in duobus tomis sui Marialis reliquit anno 1625. impressas. Ab illa petendum id quod nostræ conciones quærunt, cui S. Sabbas: *Tu peccati spinas venenata cuspide pungentes remediorum inundatione obrundis.*

803 Idem *P. Hieronymus* quolibet die Sabbati
in